

BUNTU: MAHATHIR JELASKAN

UM 3 - DEC 1983

KUALA LUMPUR, 2 Dis. - Datuk Sri Dr. Mahathir Mohamad memberitahu Dewan Rakyat hari ini bahawa usaha-usaha Parlimen mengenai pindaan perlembagaan setakat ini terbuntu kerana raja-raja Melayu tidak berkenan Yang di-Pertuan Agong memperkenalkan pindaan-pindaan itu.

Perdana Menteri berkata, beliau sendiri telah berusaha sedaya upaya merafak sembah penjelasan dan rayuan kepada raja-raja supaya Seri Paduka memperkenankan pindaan-pindaan itu di sidang Majlis Raja-Raja di Kota Kinabalu pada 13 Oktober lalu.

Dewan Negara. Rang undang-undang berkenaan adalah:-

A) Akta Paten 1983; B) Akta Lembaga Kemajuan Ternakan Negara (Pembubaran) 1983; C) Akta Profesion Undang-Undang (Pindaan) 1983; D) Akta Penyelaras Pencen (Pindaan) 1983; E) Akta Probet dan Pentadbiran (Pindaan) 1983; F) Akta Pesuruhjaya Tanah Persekutuan (Pindaan) 1983; G) Akta Taman Negara (Pindaan) 1983; H) Akta Perlembagaan (Pindaan) 1983.

Salah satu daripada laporan Baginda Yang di-Pertuan Agong memperkenankan rang undang-undang ini telah pun diperkenankan oleh Duli Yang Maha Mulia Timbalan Yang di-Pertuan Agong yang menjalankan tugas-tugas ke bawah Duli Yang Maha Mulia Seri Paduka Baginda Yang di-Pertuan Agong yang sekurang-kurangnya ini masih gering. Rang undang-undang yang belum

untuk membuat satu kenyataan dan kenyataan inilah yang telah disiarkan atas nama duli-duli yang maha mulia raja-raja, selepas majlis mengadap pada 20 November itu.

Perkembangan - perkembangan ini telah pun saya laporkan kepada jemaah menteri. Dalam konteks ini pihak jemaah menteri berah pendapat adalah menjadi tanggungjawab jemaah menteri supaya perkara ini dilaporkan kepada Parlimen. Maka inilah saya maklumkan perkembangan-perkembangan ini kepada ahli-ahli yang terhormat di Dewan yang mulia ini pada hari ini.

Bagaimanapun semua hujah yang dikemukakan itu telah tidak diperkenankan oleh raja-raja, katanya dalam satu kenyataan khas kepada Dewan Rakyat.

Sebagai langkah lanjut, beliau juga telah meminta jasa baik Majlis Tertinggi UMNO supaya dapat mencari formula jalan keluar dan menerusi saluran UMNO, beberapa cadangan yang tidak mencemar maruah mana-mana pihak telah ditawarkan.

Namun begitu, cadangan-cadangan itu yang dikemukakan oleh wakil-wakil UMNO kepada raja-raja pada 20 November lalu di Istana Kayangan Shah Alam juga telah tidak diperkenankan oleh raja-raja.

Datuk Sri Dr. Mahathir Mohamad juga memberitahu, pindaan perlembagaan adalah untuk melicinkan pentadbiran negara supaya tidak timbul salah tafsiran mengenai peruntukan-peruntukan di dalamnya.

Beliau berkata, dengan adanya pindaan-pindaan itu perjalanan sistem demokrasi berparlimen dan raja berperlembagaan akan menjadi lebih jelas dan tepat.

Perdana Menteri seterusnya telah menyatakan keyakinan bahawa usaha-usaha kerajaan untuk menyelesaikan isu pindaan perlembagaan ini akan berjaya akhirnya.

Beliau merasa dukacita kerana ada pihak-pihak yang tidak bertanggungjawab yang telah mengambil kesempatan memutarbelitkan perkara ini sehingga kecoh di kalangan rakyat.

Berikut ialah kenyataan penuh Datuk Sri Dr. Mahathir kepada Dewan Rakyat:

Saya ingin mengambil kesempatan di sini untuk menerangkan kepada ahli-ahli Dewan yang mulia ini mengenai perkara yang berkaitan dengan urusan Parlimen.

Dalam persidangan Dewan Rakyat pada bulan Julai yang lalu, Dewan ini telah meluluskan beberapa rang undang-undang yang mana kemudiannya telah dibahas dan diluluskan pula oleh

diperkenankan ialah Akta Perlembagaan (Pindaan) 1983.

Akta Perlembagaan (Pindaan) 1983 belum lagi diperkenankan kerana duli yang maha mulia raja-raja tidak bersetuju dengan beberapa bahagian daripada pindaan yang terkandung dalam rang undang-undang itu. Bahagian-bahagian yang tidak diperkenankan ialah:-

A) Perkara 66(5) berbunyi dengan perkenan oleh Yang di-Pertuan Agong ke atas rang undang-undang

B) Perkara 150 berbunyi dengan perisytiharan darurat.

C) Perkara mengenai jawat dual kelapan kepada perlembagaan yang menyentuh perkenan oleh raja-raja dan Yang Dipertua Negeri ke atas rang undang-undang yang diluluskan oleh Dewan-Dewan Undangan Negeri.

Oleh kerana duli-duli yang maha mulia raja-raja tidak berkenan supaya ke bawah Duli Yang Maha Mulia Seri Paduka Baginda Yang di-Pertuan Agong memperkenankan pindaan-pindaan itu, maka terbuntulah usaha-usaha Parlimen setakat itu.

Saya sendiri selaku Perdana Menteri telah berusaha sedaya upaya merafak sembah penjelasan dan rayuan kepada duli-duli yang maha mulia raja-raja supaya ke bawah Duli Yang Maha Mulia Seri Paduka

Sebagai langkah lanjut, saya telah meminta jasa baik Majlis Tertinggi UMNO supaya dapat mencari formula jalan keluar. Melalui saluran UMNO ini kita telah menawarkan beberapa cadangan yang tidak mencemar maruah mana-mana pihak.

Walau bagaimanapun, cadangan-cadangan yang telah dikemukakan oleh wakil-wakil UMNO kepada duli-duli yang maha mulia raja-raja pada 20 November yang lalu di Istana Kayangan, Shah Alam telah tidak diperkenankan oleh duli-duli yang maha mulia.

Cadangan-cadangan itu semua merupakan pindaan-pindaan kepada pindaan-pindaan asal yang diiktirakan boleh mengatasi kekhuatiran duli-duli yang maha mulia raja-raja, penyembahan tawaran pindaan-pindaan yang berkenaan meliputi kesemua Perkara

66(5), Perkara 150 dan Jawat Dual Kelapan. Kerajaan ber-rasa kecewa kerana kegagalannya ini.

Untuk mengelakkan kegelisahan rakyat, perutusan UMNO itu telah merafak sembah memohon duli-duli yang maha mulia raja-raja

Ingin saya tegaskan di sini bahawa tujuan kerajaan mencadangkan pindaan-pindaan perlembagaan adalah untuk melicinkan lagi pentadbiran negara supaya tidak timbul salah tafsiran mengenai peruntukan-peruntukan dalam perlembagaan. Dengan adanya pindaan-pindaan itu perjalanan sistem demokrasi berparlimen dan raja berperlembagaan akan menjadi lebih jelas dan tepat. Tetapi saya merasa dukacita kerana ada pihak-pihak yang tidak bertanggungjawab yang telah mengambil kesempatan memutarbelitkan perkara ini sehingga menjadi kecoh di kalangan rakyat.

Walau bagaimanapun pihak kerajaan sedang berusaha untuk menyelesaikan masalah ini. Insya-Allah, usaha ini akan mencapai kejayaan akhirnya.